

Sämmilii šonjâdâhräädï jesânij uuccâm aalgij

Pirâsministeriö pivdá sämitiggeest, ollâškoovlâin já tutkâmlájádâsâin sehe šonjâdâhpanelist jeessâniävtuttâsâid sämmilâš šonjâdâhräädân. Maŋa usâškyetih meiddei šonjâdâhpaaneel já luándupaaneel jesânijd.

Sämmilâš šonjâdâhräädï asâttuvvoo vuossâmuu tove uđđâ šonjâdâhlaavâ sehe šonjâdâhräädân kyeskee asâttâs vuáđuld. Sämmilii šonjâdâhräädï ulmen lii pyehtid sämmilij tiätuvuáđu já keččâmkuávluid šonjâdâhpolitiik valmâštállâm uáassin.

Šonjâdâhräädïst láá saavâjođetteijee, värisaavâjođetteijee sehe enâmustáá love eres jesânid. Ucemustáá peeli šonjâdâhräädï jesânij kalgeh leđe sämmilii ärbivuáválii tiäđu haldâšeijeeh. Eres jesâneh ovdedeh pirâstiettuud tâi eres kuávdášlijd tiedâsuorgijd.

Pirâsministeriö lii vuolgâttâm pivduu jesânij iävtutmist sämitiigán, ollâopâttuvváid, staatâ tutkâmlájádâssâid, šonjâdâhräädï pargoï iähtun kuávdášlâš áammátollâškovláid sehe Suomâ šonjâdâhpanelân. Sämitigge puáhtá iävtuttiđ jesânin sämmilii ärbivuáválii tiäđu haldâšeijeid, ollâškoovlah já tutkâmlájádâsahkis totkeejesânijd.

Organisaatioh kalgeh toimâttiđ jieijâs iävtuttâsâid šonjâdâhräädï jesânin oovtâ čuákist pirâsministeriön **majemustáá 2.6.2023**. Statâräädï taha asâtemmiärádâs pirâsministeriö iävtuttâsâst já mittomeerrin lii, ete sämmilâš šonjâdâhräädï asâttuvvoo keesi 2023 ääigi.

[Šonjâdâhpaaneel já luándupaaneel jesânij uuccâm algá kiidâ já keesi ääigi.](#)

Sämmilii šonjâdâhräädï lasseen pirâsministeriö lii almostitmin kiidâ já keesi ääigi ucâmijd Suomâ šonjâdâhpaaneel já Suomâ luándupaaneel jesânin. Kuábbáá-uv paaneel nelji-ihásâš paje nohá ive loopâst.

Pivdem jeessâniävtukkâsâi noomâtmist šonjâdâhpanelân vuolgâttuvvoo ollâškovláid já tutkâmlájádâssâid vyesimáánu ääigi. Pivdem jeessâniävtukkâsâi noomâtmist luándupanelân vuolgâttuvvoo tutkâmlájádâssâid majemustáá porgemáánust.

Ollâškoovlah já tutkâmlájádâsah pyehtih iävtuttiđ jesânin maŋgâ iävtukkâs häävild. Sämmilii šonjâdâhräädï, šonjâdâhpaaneel já luándupaaneel jeessânuođâst perustum occeeh pyehtih táttuđ ucâmân lahtojeijee äššikiirijid jieijâs organisaatio kirjimkontturist.

Suomâ šonjâdâhpaaneel já Suomâ luándupaaneel asâttuvvojeh uđđâ pajan ovdil ive 2023 loopâ.

Lasetiäđuh:

Karin Cederlöf (sämmilâš šonjâdâhräädï)
Haldâttâsčällee
Pirâsministeriö
p. 0295 250 010
karin.cederlof@gov.fi

Heta-Elena Heiskanen (šonjâdâhpaaneel)

Spesialäššitobdee

Pirâsministeriö

p. 0295 250 380

heta-elena.heiskanen@gov.fi

Suvi Borgström (luándupaaneel)

spesialäššitobdee

Pirâsministeriö

p. 295 250 342

suvi.borgstrom@gov.fi